

Дурхъаси МухІяммад Идбағличила

Дурхъаси МухІяммад Идбағ аклубси Рабиғуль аввал базла 12-личив. Илала дудеш Гіябдуллағ урши аклайчи вебклибсири. Неш Аминат биалли ил шел дус виубхели ребклиб. Ил халадудеш Гіябдулмуталибличи хъарикбсири. Гехлел дус виубхели илра вебклиб ва цуръавиубси МухІяммад дудешла узи Абулталибли айкюр.

Илала аклубхейчирад чарх-беклизир, дағрилизир цархилтала агарти лишанти лерри: клел баз виубхели хъусли вашусири, хІябал баз дикибхейс тІашкайзурсири, авал виубхейс се биалра буцили вашусири, верхлел виубхели дуцликбусири. Гехлел виубхели гъайикес вехихъбсири, урчемал виубхели лехихъути тамашабирахъули, пасихти гъайла ихтилатлизи ихъусири. Вецал виубхели – лишанасили ургилизивад итусири. Ил ухъахъули калунси илала зизи Аминани бурни хІясибли ил бегІ гъалаав гъайикес вехихъбсири Алағла у айхъули, илис дезна виркьули. Илала у гъанхлебушили илини селра хлебири, я балдуй някьли ахенси селра кахейси. Ил жявли бузерилизи ахъибсири маккаланта ла маза-мас дуки дукь-



сири. Илала кагибдешли, хІялалдешли, жагадешли тамашабирахъутири. Алавчартала чинаб-биалра жал акаллири, маслигътчи сайлин ургала балбикахъес иличи дугъабилзугтири.

Вишталли вирухлейчибад илала бекла чедиб, илис дяхіци бирахъули закиб дирихъ камхлебирусири. Ятимла гІямру дебали кыянтири, амма ил къисматличи къакъахлейкьусири ва мурталра Аллағлис дезनावиркьусири.

Ил авцали дус виубхели, Маккали-

зиб сай Идбағ виғниличила бағъахъурсири. Ил арагъеб инсаниятлис, малайкунас, ва жиндрасра Идбағ сайлин вархъбсири. Ислам тинтІбирнила шайчив ил халати кыяндешуначил вяхлигусири. Ил Идбағ виғниличила бағурти кьурайшитунала давлачебти иличи къаршили кабизуртири чула гІямрула бетуцлис, хасиятунас урехи алклан или.

БЯХІ 4

Бархъси динничигъуни

Ишбархли терроризмаличила ва экстремизмаличила гъай гъар-чинаралра аргъес вирар. Илди нушала жамигІятлизир излумиван тинтІдирули сари. Имцаливан жағылтас урехи алклахъули саби илдани. Секъяйда жағылти вағъабиюн-тала тимкьлизи биркулил ва се бағъандан Сириялизир жан кьурбандирулил ибти суалтас гъачамлис жавабти даргес кыянни саби. Сириялизи арбашути жағылтани илаб хІурматагарси я хІяб, я бекла бургни ашкарсигу. Амма жағылтани иларти гІямру декларли чедиули сари ва илкъяйда пикрибиклахъес кумекбирутира леб.

БЯХІ 7

Нушани чехлейбси, амма бегІлара дигуси...

Хлера, сабаиб нушала МухІяммад Идбағ аклубси дурхъаси баз. Гъарил бусурман адамли къайгъи бирули бирар гъаттира чекайзурли салават бирес, садакьа буртлес, гІяхіти баркьудлуми имцадирес. Ил бағъанданра халкьлизиб бурни хІясибли иш баз мавлидунала баз саби. Гъайгъай, гъарил базлизир бусурман адамличиб чебси саби илди дирес. Амма Кьудратла Веғли чебхІбарибси ва дурхъабарибси баз нушабра имцали дигахъес чебли биъни гІячихъли саби.

Чевяхіси Аллағли Идбағ аклахъубси баз – нушаб гъанбушес дигни саби нушала гІямрула бетуцличила пикридухъахъес. Аллағлис бегІлара дигуси ва чеввиклибси Вакилличила, илала гІямруличила ва ил гІевурцутачила имцали бағъес.

МухІяммад Идбағ лебил дунъяла миллиардцад бусурман адамтас дигахъуси сай. Илини нуша бурси-дарра кыяндикибхели сабурбирахъес, иш дунъяличив хІялалли хІердиахъес. Амма итил дунъяла лигІматуначира хъулдиклахъес.

БЯХІ 4

Конгресс бетерхур

Ишди бурхІназиб МяхІячкьалализиб Гьалмагъдешла Юртлизиб «Исламла организациябани Россияла жамигІятличил даршудеш бихІнилизиб кабирхъуси мягІничебси пай» ибси уличил Северный Кавказла динна гъабкьабала 4-ибил конгресс бетерхур.

Ил дурабуркІнилис сиптакарти сабри ДР-ла адаб-хІяяла ва динна организациябачил барх бузнила шайчибси Комитет ва ДР-ла Муфтият.

Илар бутлакьандеш дариб Северла Кавказла бусурмантала гъабкьабани, динна Идарала хІянчизартани, халкьани-ургабси исламла организациялис гъуни чебиахъантани, Крым ва Татарстан республикабала динна организа-

циябала вакилтани ва цархилтани.

Конгрессличиб беклибиубси пикри сабри Северный Кавказлизиб даршудеш биахъес далдуцуну дурадеркІни, жура-журала динна организациябала устадешличил тянишбиғни, чеалкьуси наслулис адаб-хІяялалашли бяркъ бедни.

БЯХІ 2



ДР-ла Муфтиятла гІилмула отдела начальник М. МяхІяммадов

МухІяммад Идбагла чевяхІдеш, кабизалачевдеш ва цархилти хасдешуни



БЯХІ 3

Идбагла баракатла хьунри



БЯХІ 5

Алхунти журналистунигъанбиркахъули



БЯХІ 6

Конгресс бетерхур

1 « Балбуц абхьиб дурхъаси Къуръанна аятуначил. ДР-ла Муфтийла заместитель ГяһИмад Кахаевли буриб: «ИшбархИи нуша ишар цалдикнила мурад саби челукъути масъулни арзни, лебилра бусурмантала уммат цадиубли нушала улкала халкъличил даршули хердиэс къайгъибарни. Россия – нушала хъали саби. Илаб гъариллис хериеэ иштяИдхъесли шуртИри аклахъес чебси саби нушачиб. Улка гъалабхИ башахъес, вавалибхъехъес гъатИра къайгъибирехе...»

ДР-ла Правительстволла Председательла заместитель Рамазан ЖягИпаровли ДР-ла БекИла шайзибад саламтала кагъар белчИун. Илени республикала гъуни чебиахъантани Дагъиста Муфтиятла, адаб-хИаяла азадешла ва динна организациябачил барх бузнила шайчибси Комитетла кумекличил ишбархИила челукъути масъулни ирзнилизи белгиси пай кабирхъниличила аргъахъиб.

Илис гIергъи гъайухъун Сириялизиwadси гIяхИял, шаригIятла гIилмуртала доктор, шайх Мустапа Диб Аль-Буга. Илени Къудратла ВеГIлис шукру бариб нуша Дурхъаси



МяхИяммад Идбагла умматлизирадиъни багъандан. Илени баянбариб, бусурмантала дин камти адамтала къукъялисцун ахIенну, лебил дунъяла адамтасра бархъибси биъни. Динна багъуддумала гIялимли вягIза белчИун. Рахли хIушаб адамли вайдеш баралли хIушани гIяхИдешли чеббИцайя, илхИели душманра валли марси гъалмагъличи шурулхъкан. Идбагли нуша бурсидарра пикридиклахъес

унрубачилара тухумтачилара цархИил дин бузахъантачилара. Адамтас гIяхИдеш бирес гъарилла гъира биэс гIягIниса саби. ХИядислизибКIун бурили саби хIушала иман т а м а н с и - ли хIебирар, хIушани хIушаб бирус гIяхИдеш цархИилтасра бирадаллицун ахИ, или. Гъарил бусурман адамли гIяхИдешцун бирули, жагаси баркъуди чебиахъули, гIяхИси гъай бурули нушала Идбагван цархИилтасра мисалли диэс гIягIнибиркур», – иб илени.

Балбуцличив гъайухъунси Северла Осетияла Муфтий ХИажимурад Гацаловли буриб: «Иш дунъяла даршудеш – нуша гъарилтазибад дигахъуси саби. Дебали дигеси анцIбукъ саби Дагъиста Муфтиятли республикализиб асилси

хИянчи дурабуркни терроризмаличи ва экстремизмаличи къаршили. ИшбархИи бегIлара бекИлибиубсигъуна саби нуша цадиъни, цадехИ масъулти ирзни. Нуни лебил дагъистанлантас гIяхИти баркъуддумазиб баракат булгулра».


Калмыкияла республикала Муфтий СултIан-ГяһИмад Каралаевлизи гъай бедиб. Илени балбуцла сиптакартас баркалла багъахъур. Дагъистан ва Кавказ мурталра гъар шайзибад багъудичебти гIялимтачибли машгъурси саби. Динна ва светски багъуддуми пайдаладалири гъатИра нушала жагъилтачи асар барес дирнилича нуцакъли вирхулра.

Илкъяйдали илаб гъайбухъун Иркутскла областла Муфтий Фарид Мингалеев, «Халкъани-ургабси исламла миссия» организацияла председател Шифиг Пшихачев ва бахъал цархИилтира.

Ахирличиб Дагъиста динна комитетла председател МяхИяммад ГябдуряхИмановли республикала гъуни чебиахъантала шайзирад конгрессла бутIякъянчибас баркаллала кагъурти ва Дурхъати Куръанти дедиб.

МяхИкамдеш бирехе

Нушала республикализиб «Урехи агарси Дагъистан» бикIуси республика гъалабхИ башахънила бекИлибиубси проект бузули саби. Илкъяйдали «2016 ибил дуслизиб экстремизмала ва терроризмала идеология тIинтIбирнилича къаршили» хасси программара. Шагъарла администрацияли, пачалихъла, жамигIятла ва вегIдешла организациябани халаси пай кабирхъули саби илгъуна хИянчилизи.



Ишди бурхИназиб «Замана» газетала редакциялизиб журуга стол бетерхур. Илизир бутIакъяндеш дариб МяхИячкъала шагъарла Администрацияла жамигIятлис урехи хIебирахънила Управлениела хИянчизар М. Пябдурашидовли, ДР-ла динна Идарала багъуддуми тIинтIдирусИ отделла хИянчизар Г. СултIановли ва журналистунани.

Иличиб бекИлибиубси масъ-

ала сабри къачагъунала къаянази жагъилти хIебашахъес багъандан сегъуна далдуцунни дурадкерIес гIягIнилил. Сириялизи «умуси дин багъандан» уршби-рурсби арбашнила масъулти гъаларра чуйнара ахъудуцибтири газетабазир.

М.Пябдурашидовли буриб чула дурабуркIуси хИянчила дазурбазиб сегъуна къияндешуначил бяхИгулил. Гъалаб къачагъунани мехIурбарибти вацIурбази

арбашутири, гъанна биалли илди дигIянали вяшбикIули, сегъунти диалра чула пикруми-къасани детерхахъес хIебиайти биргIябиргили чула тIимкълизи бурцули саби. ИмцIалти илди къаянази бирканти адамти Интернет сетаназиб тянишбирули саби. Ил багъанданра нуша лергIер сахъли диэс гIягIнибиркур. Нушала ургаб сегъунти адамти лебал, нушала дурхИни чичил юлдашбиркулил багъес чебиркур, – викIи ил.

Илкъяйдали илав гъайухъунси ДР-ла динна Идарала багъуди бедлугуси отдела хИянчизар Г. СултIановли буриб: «Нушала гъарли-марси ва умуси динничи къаршита адамти хIебиахъес нушани дирусигъуна хИянчи дурабуркIулра. Нушала жагъилти вайнукъабала къукънази хIебикахъес багъандан илди динничила багъудили бегIбиэс чебиркур. Муфтиятли мижитуназир динничила багъуди бедлугути хаста дурсри кадирхъули сари. Ила башес бирар бархIехъла сягIятуназиб, хИянчила яра белчIудила гIергъи. Илаб хасси ихтияр лебти хИянчизарти бузути саби».

Гъайгъай, илди къачагъунала гъуни гъеч динничил бархбасунси ахIен. Ил багъандан хIушала гъамти мяхИкамбарая.

Писательла хIурматлис



ва цархИилти. Илала сценарий хИясибли вецIалцад кино касибтири. Ил Россиялизибцунра ахIенну лебил дунъяличивра машгъурси сай. Г.Абу-Бакарла дахъалгъуна жузи дурала улкнала мезанаичара шурдатур. Илала произведениеби вайти къиликъуни далтIули, гIямрулис, дигайлис, мардешлис багъишладарибти сари.

Илала хIурматлис Урусла драмала театрла заллизиб вечер бетархур. Илис гъалабван Г.Батирайла училилси даргала театрла гIяртистунани «Дила умут» бикIуси спектакль чебаахъиб, сабира писательла белкIани хИясибли хИядурбарибси.

Илгъуна даргала машгъурси писатель гъаникахъили дурадкерIибти далдуцунни детерхур школабазир, вузаназир ва цархИилти организациябазир.

Писательли даргала литературиализи кабибхъисми мегIничесеби пай чеалкIуси наслулисра гIибратли кавлан ва мурталра хъумхIерту.

Декабрьла 12-личиб Дагъиста машгъурси писатель, драматург, поэт, сценарист ГяһИмадхан Абу-Бакар акIубхIейчирад 85 дус дикиб.

Ил литературализи гунзри кайцIули назмурти лукIниличивад вехIихъисари. Амма имцIатигъунти адамтас ил проза хИясибли сайри вагъурси: «Даргала рурсби», «ХИябкъай», «Гумаила духури», «ДяхИила адамти», «Манана»

<p>Учредитель Благотворительный фонд «Путь». Газета печатается по согласованию и одобрению Духовного управления мусульман Дагестана</p> <p>Редакционный совет Председатель редакционного совета муфтий РД Ахмад-хаджи АБДУЛАЕВ заместитель муфтия РД Мухаммад ДАВУДОВ</p>	<p>Главный редактор Азиз МИЧИГИШЕВ</p> <p>Редактор Наида ГУРУЕВА</p> <p>Канонический редактор Мухаммад ДАВУДОВ</p> <p>Корректор Наида ГУРУЕВА</p> <p>Дизайн, вёрстка Мухаммад МУХИДДИНОВ Иса ОМАРОВ</p>	<p>Менеджер Абдусабир АХМЕДОВ</p> <p>Газета зарегистрирована Федеральной службой по надзору в сфере связи, информационных технологий и массовых коммуникаций.</p> <p>Свидетельство о регистрации ПИ № ФС 77-42079 от 24 сентября 2010 г.</p>	<p>При перепечатке ссылка обязательна.</p> <p>Набрано и сверстано на компьютерной базе газеты «Ас-Салам».</p> <p>Отпечатано в ООО «Дом печати» по адресу: пр-т Акушинского, 20.</p> <p>Заказ _____</p> <p>Сдано в печать: (график) 15 декабря 2016 г. в 16:30 (факт) 15 декабря 2016 г. в 16:30</p>	<p>Тираж 3 400 экз. Адрес редакции 367027, РД, г. Махачкала, проспект Акушинского, 5-я линия, 19. Телефон редакции: 8-928-530-59-70.</p> <p>По вопросам подписки и доставки обращаться по телефонам: 914-222, 8-988-291-42-22.</p> <p>e-mail: assalamweb@gmail.com; www.assalam.ru</p>
---	--	---	---	--

МухІяммад Идбагла ﷺ чевяхІдеш, кабизалачевдеш ва цархІилти хасдешуни

Сунес дигуси МухІяммад ﷺ Кьудратла Веґли ﷺ Адам ахлекубли левой, виахьубси сай. Аллағли ﷺ ғай сасиб лебилра идбагуназибад МухІяммад Идбағличи ﷺ илди бирхули биъниличила, чула ґямрулизив ил дакІуухьалли, илис кумекра бирниличила. Ғаларла Дурхьати белкІаназиб ил алкІуси сай или бағьахьурсири.

Ил алкІухІели илала неш Аминатли тамашла нур чедидтири, чулира Сириялизибси Басра шагьарла кьала шалабирибти. Заклизибси цІуба ғьагулли Идбағлиси ﷺ дяхІцІи бетарахьули ғьуниввалтусири. Галғалира иличи ґяшбуубли, дяхІцІи бетарахьусири. Малайкунани илала миҳьири чуйнара ғьаргбарилли, уркіи умубариб. Иличи Жабраил малайк бегІ ғьалав дигІяндеш ғьаргбирули вакибхІели, миҳьирличи ғьажвариб, илис дағьри лугули ва илкьядали илис ЧевяхІсила ﷺ дигІяндеш ғьаргбарни хІуруцІлизиб иргьахьули. Аллағьла Расул ﷺ чина укьяллира иличил барх малайкунира башутири. Бадрализир ва ХІунайализир детерхурти дурхьати дургьбазир Идбагла ﷺ шайчиб малайкунира бурґьутири.

Дурхьаси Кьурьайзиб Идбагла ﷺ чархла ғьарил биркІайчила, ғьарил илала баркьудиличила бурили саби. Ил ғушли усаалра велкьи алзусири. Илини сунела дяхІла ғьалартиван ґелартира чедиутири, цІябдешлизирра секІал шалахІеливан чедии. Идбағличивад ﷺ ғьарахьсилера илала мякьлавлан илала ґама бикьусири. Илала майғала тлем мисклайчиб бизири. Ахьси кьаркьа веґла мякьла тІашкайзалри Идбагра ﷺ ахьси кьаркьа веґли ветари. Ил Идбағ ﷺ ванзаличи вархьаили ґерґьи палчиби ва сихІрукьяби пужбарибтири ва илдала дурутачи бирхарути ахІенри. Ил дакІувиубли ґерґьи заклизирадти дигІянаги бағьахьнибачи шайтІунти лехІдилзахьес кьадаґьабариб, илдас заклизиди ахьдиахьесра кьадаґьабариб.

Аллағьла Расул ﷺ гили-кьабта чедихьибси Буракьличи (алжанала мицІира) мурадатурсири ва дугила замана кьантІси заманала бухІнаб илини ил Байт аль-Мукьаддаслизи (Иерусалимлизи) виахьусири, илабадди илди заклизиди ахьбирутири – Сидрат аль-мунтағьаличи ва илала чедибси ғьанналау Аллағьли ﷺ чилра хІейубси мерличи, ил дугил Кьудратла Веґли ﷺ илис тамашала секІал чедиахьиб. Илини (челякьала балуси) имам сайливан, малайкуначил ва идбағуначил дехІибала дариб. Аллағьли ﷺ илизи Алжана ва жаґьаннаб, Алжанала лиґІматуни ва жаґьаннаблизиб секьйада бунаґькарти ґязаббуркІулил чедиахьиб. Идбағли ﷺ Сай ЧевяхІси ﷺ чеибсири, илис илґуна паґьму бедили ґерґьи.

ЧевяхІсиле ﷺ МухІяммад Идбағличи ﷺ кьабудликахьес хьарбариб, илис салавтра саламра делчІахьес. Идбағли учІесра лукІесра хІебалули виалра, бегІлара иш дуньяличиб тамашаси ва мяґІничебси дурхьаси Кьурьан илис Аллағьли ﷺ чедиад

бархьибси саби, иличибад лебилра дуньялис. Аллағьли ﷺ сунечи чеиб Идбағлиси ﷺ хасбарибси Кьурьайзиб цІлра хІярп яра ишара барсбарнилизивад ва балкІбарнилизивад, имцІабарнилизивад ва камбарнилизивад мяхІкамбарес. Кьурьайзи кедерхахьурли сари Дурхьати БелкІанала, ғьаларти ва ғьаннала ґерґьити ґилмуртала мяґІна бухІнабуцибти белкІани.

Кьудратла Веґли ﷺ нушала жуґаимлизи ﷺ дуньяла давлумала умхьни дедиб ва ғьанналаур чисалра хІедидтири хІядисуни, Сунна ва пасихІкардеш лебил дуньялис бяркь бедес баґьандан дедиб. Ил баґьандан Аллағьла ﷺ уркІеґІи ґяламличи Аллағьла Расул ﷺ кумекчил саби чебетуиси. Кьурьайзиб МухІяммад Идбағ ﷺ дуньяличи ряхІмула веґван сай вархьибси ибси аят леб. Аллағьли ﷺ илис Сунела кІел у – «Рауфун ва РахІим» дедиб, чулира «УркІеґІиличилси» ва «РяхІмуличилси» иргьахьути.



Аллағьли ﷺ илис саркьибси, амма дебали ахьси даражала, мурхьси мяґІнала, ґур чисалра хІедаґьахьурти ғьай даґьахьур. Кьудратла Веґли ﷺ илис бегІлара дурхьати дигІяндешунала умхьни дедиб ва лебилра сунени аклахьубтачи Идбағли ﷺ вархьиб. Дунья аклахьубси Аллағьли ﷺ илис илцІадра пергерси чевяхІдеш бедибсири, ил чеибмад ғьарахьли виалра душман рурґескайрусири.

Сунела дигуси Идбағлиси ﷺ ва илала умматлис лебилра ванза Аллағьли ﷺ мижитли бетаахьур, сунезир дехІибала дирахьес баґьандан.

Иличил пайдалабикахьес нушала Идбағлиси ﷺ ва илала умматлис саби ихтияр лебси.

Илала тамашала ґяламатуни дунья каберхайчи кавлан, илдала асар Кьиямала бархІиличи бикайчи кавлан. Аллағьла ﷺ вигусила шаригІятла цІакь Кьиямала бархІиличи бикайчи кавлан. Илала ШаригІят бакІили ґерґьи цархІилти илис ғьаблати идбағунала шаригІятуни урдирхьути сари. Илданира ца Аллағь ﷺ виъниличил халкь жибирули биалра, бухьянси заманализиб, илдас ґерґьили бахьал хІебякьун, МухІяммад Ид-

бағлиси ﷺ ґерґьи камси заманала бухІнаб бахьал арбякьун. Илала уммат ґяхІсиґьуна, бархьдешґебси, бунаґьагарси саби.

Исрафил малаик нушала дигуси Идбағличи ﷺ ахІи чичилра кацІибси ахІенри. Кьиямала бархІи илцун виарар Адамла дурхІнала, лебилра адамтала веґІбекІ. Илала жамигІятлис камти ґямру дедили диалра, илди бегІлара дурхьагири Аллағьла ﷺ ґьалаб. МухІяммад Идбағ ﷺ ва илала уммат иш дуньяличиб бегІла ґерґьи акІнила дигІяндеш илди Кьиямала бархІи сабаайчи хІябразиб цархІилти идбағуначибра умматуначибра камси заманалис кавлули биънилизиб саби.

Кьиямала бархІи "Лива уль-хІямд" байрахь МухІяммад Идбагла ﷺ някьбазиб бирар, ва Адам ва лебилра цархІилти идбағуни илала байрахьлиу цалабиркур. Аллағьлиси ﷺ МухІяммад Идбағ ﷺ дурхьаси сай цархІилти идбағуначивра, вакилтачивра, малайкуначивра ва ле-

хІурматла, ґякьлучебти ва ґяґІнити адамти саби дуньяличиб.

Ғьаблати цархІилти идбағунала умматуначи Аллағьли ﷺ дахьал балаґь-кьадар дяхІчиабтири. МухІяммад Идбагла ﷺ умматличи биалли Сунес дигуси Идбағ ﷺ баґьандан илдицад халати балаґьуни дяхІябти ахІенри. Муэрлизив Идбағ ﷺ чеибси адам ил сай мицІирли чеибсилези халируси сай.

МухІяммад Идбағличи ﷺ вирхули ца хІеризалра илала кумекчи ветаруси сай. Ғьарил адам, баґьуди агарси ґяраб виалра, Аллағьла Расулличи ﷺ вирхуси ва ил чеибси ґяхІла шайчи варсирули сай, ґяхІси ва Аллағьличи ﷺ вирхуси ветарули сай. Ца камси секІал баралра Идбагла ﷺ кумекчили, мурґьила ва арцІа дубура цархІилли дутІалра иличи абиркули ахІен. Идбагла ﷺ кумекчи ватІалли, илис урґьалли, дирґала буралли, бунаґьлабирули саби. Илди Сай Аллағьли ﷺ Дурхьаси Кьурьазайзиб гапбирутири.

ДехІибала дирути лебтанилра Аллағьличи ﷺ разидеш балахьули саби. ДехІибазирти ғьай: "Ассаламу ґалайкум аййугьа-набиййу" (Даршудеш, хІед Идбағ!) я илкьйада дехІибазив цархІил чи-биалра чевяхІваралли, дехІибала детхІерар. ДехІибала дирусилли Идбағ ﷺ дугьаизалли, илини дехІибала дехьес ва илис жаваб бедес ґяґІнибиркур, амма цархІилла ғьайлис жаваб бедни кьадаґьабирули саби. Дурхьаси Идбағлиси ﷺ урґьуси, яра ил увяхІвируси – динничи кьаршиси сай, ва ЧевяхІсиле ﷺ ил кавшахьес хьарбирули сай.

Идбағ ﷺ зяґІипикибхІели, илала изала кІинали цІакьсири сенахІенну Кьудратла Веґли ﷺ илала даража ахьбарибси саби. Адамтала ғьимидухьести излуми хІедири илала. Илдигьунти излуми цархІилти идбағуналар хІедири. Илалара цархІилти идбағуналар кьаркьлуми хІяблар тІутІукадирути ахІен. Аллағьли ﷺ ил секІал кьабудлабирули саби. Идбагла ﷺ хІябла мякьла Кьудратла Веґли ﷺ малайк катурили сай илар илис дирути балганачила ва Аллағьли ﷺ ғьанти баркьудлумачила балахьес баґьанандан. ЖамигІятла лерилра диркутира делахьули сари илизи. Илала минбар Хавзла-Алжанала шарала чедиб саби, ва илала хІяблара минбарлара урґабси мер Алжанла анхь саби.

Аллағьла Расул ﷺ кьаркьала бухІнабси хІяб закличибра, ванзаличибра, ґяршличибра, Курсличибра, Алжайчибра ва лерилра дуньяличиртачирра дурхьаси саби.

Дурхьаси "Лайлат аль-кьадурла" дугиличибра Аллағьла Расул ﷺ акІубси дуги ґьатІира дурхьаси саби. Кьиямала бархІи ил бегІ ғьалав алзуси сай хІяблавад. Ғьар савлилизиб ва ғьар бархІехьлизиб илала хІябличи 70 азир малайк кабицІутири саби. Савли кабацІибти бархІехь сабайчи илала хІябла алав кавлути саби, бархІехь кабацІибти – савли сабаайчи. Кьиямала бархІи хІяблавад айзурхІели 70 азир малайк ил ғьуниввалтуси сай.

Аллағьли ﷺ ахьри ґаб нушаб бархьси секІал бархьли чебиахьес, балкІси – балкІли!

Амин!

Нушани чехлеибси, амма беглар дигуси...

1 « Дунъяла лебил халкылис бархыбси саби Дурхъаси Къуръан. Ил нушачи баахыбси биалли Мухъяммад Идбаг сай ☞, сунела адаб-хияяла кыликъунани нуша мурталра мисал чеби-ахъули.

Мухъяммад Идбагла Гямру ил дурхъаси Жузлизиртигы-унари. Чевяхилла ☞ законти хиясибли адабличил херирусири.

Гъарил бусурманни шагда бурухели илала кийибил бутла... «марбулра Мухъяммад илала лагъ ва Вакил виъни» ирули сай. Мухъяммад ☞-адам сай. Амма урхлмешуахенси. Ил Аллагъли ☞ чеввикибсири.

Къудратла Веҗли ☞ ибсири ил нуни дунъялис урклеци сайлин вархыбсири или. Ил багъандан акахъубсири Аллагъли ☞ гъар секлал. Идбагла ☞ адамтачи халаси диги лебсири. Сунела умматличи уркли изусири,

илис адамти Алжанализи баахъес дигусири. «Дила уммат» ибти гъай чуйнара дурибтири. Сунес селра тилади бируси ахленри, чянкли нушабун гъахъдеш биубли дигусири.

Дурхъаси Къуръаннизил бурули саби (мягъна) Аллагъла Вакил ☞ нушачи вакибси сай нушачи мешусили. Ил я малайкуначи я жиндрачи мешуси ахлен.

Илис гъалабра бархыбтири азиртадли цархилти идбагуни. Амма илди бархыбтири деклар-декларти халкыличи.

Илди гъарилтира адамтани дигахъули саби ва илис бикърили чула дурхънас уми лугули саби – Якъуб, Писа, Муса, Исмагъил ва цархилти.

Мухъяммад Идбагличи ☞ цараванси хер саби. Ил лебил идбагунала мугъурли виубси сай. Илис гъергъи гур идбагуни хебирар.

Мухъяммад Идбаг ☞ лебил дунъяла улкнала политикала гъабкыбани марварибси сай.

хурмат бирахъес, биштла-халати балахъес жанивартачи урклецибихахъес.

Мухъяммад Идбагли ☞ нуша бурсидарра беглар гъагъисиличи – лебилра адамти Къудратла Веҗли ☞ гъалаб царагъунти биъниличи. Деклардеш чянкли илдала Аллагъличи ☞ дигилизиб саби ва илизибад урухвикъилизиб саби. Дурхъаси хадислизиб бурили саби: «Аллагъ ☞



Хурмат, сабур, бархъдеш, гъахъдеш, сахаватдеш – ил дигъуна кыликъуначи нушара бурсидирулра.

23 дус харждариб илини бусурманатала уммат бархъси динниччи бурсибирули. Сунела балликъянаби бурсибариб Чевяхъси Аллагъ ☞ селичивалра дебали дигахъес, дехлибала дирахъес, дуббурцахъес. Аллагъла бархъси гъунчи адамти кабизахъес селра ахлерхлебариб. Нуша бурсидарра Аллагъличи ☞ дирхарахъес, веҗла хъалибарг дигахъес, цала цали

хушала я куц-кабизличи я масдавлаличи ахлен хериклуси. Ил хериклуси хушала урклиличи ва хушала баркъ-бацличи сай».

Мухъяммад Идбаглис ☞ нуша илцадра дигахъутира илала манзил херхледуублихъалли ва ил чеваэс хебикилихъалли. Амма илцун сай нушаб Аллагъла ☞ гъалав шафагъат виэс вируси.

Мухъяммад ☞-адам, идбаг, расул, сайра нушани чехлеибси, амма нушаб ил лебил дунъяла лигъматуначивра дебали дигахъулра или биэсра гъагъисили саби.

Цархилти гъайибла мабиридая

«Се бусурманти бируттив илди дехлибала хедирути, дубхлебуруцути, бунагъуни дирути. бусурмантаниван палтар чехлелгъути?» – диклулра нуша.

Жамигъатла ургав адам сецад гъахъси виаллира, сегъуна биалра вайси ца шартли баргилли нуша иличи гъайибта диркълра, илала лерилра гъахъти кыликъуни хъумартуртиван. Бусурман сайра или кайзурси сай, – диклулра нуша цализи ца, беклил бунагъагъарти къайда.

Сецад хейгесли биалра, нушала динна узбала ва рузбала вайти кыликъуни ва бунагъуни нушаб дебали гъахъхъли чедиулра. Нушаб гъанбиркулра урхла хатлаби бекдарили, илдачила лебтасалра багъалли нуша гъахътили дирутира или. Илкъайдали нуша цархилти гъайибла бирес бурсидирулра.

Пергъисси замана гъаман бакъес вирар бусурмантачила «этнические» ва «дин бузахъанти» или. Этническийти ибти саби бусурман дин бузахъантала хъалибарглизил ақубти бусурман у бихути, динниччила балути байрумти дирути. Амма деклар-декларти багъанаби хиясибли шаригъатличи чекадхлебизурти, дехлибила хедирути, дубхлебуруцути, закят хелугути.

Илди биклули бирар: «Гъайгъай ну бусурман сайра, амма дехлибала хедирулра». Тят илкъайда дуббуцарира палтарра закятра. Илкъайда исламла къанунти хедузахъни гъадатласили бетарули саби.

Гъайгъай, гъарил адам шагда бурибси ва урки-урклилабад иличи вирхаруси бусурман сай. Ил мурталралис жагъаннабла цализив кахлевлан, мурт биалра Алжунтази виес асубирар, илгъуна шагда белчес виалли. Нуша Къудратла Веҗличи ☞ дирхес чебси саби, ил нуша-

ла бунагъуначивад чевкархар ва урцеци биру или. Илкъайдали нуша Чевяхилла ☞ бунагълизирадра урухдикес гъагъисили саби.

Вархыли гъайиклалли Аллагъла ☞ лигъматуни чисалра тамандирути ахлен. Гъайгъай, селра хебарили, ца шагда-цун белчи Алжана къадарбирар ибси пикри бархъси ахлен. Секъайда вирара бусурманнис чедаахъибти динна къанунти: дехлибала, дуббуцари, закят, хедузахъули Аллагъла ☞ бунагълизивад уруххлекес?

Пулан адамлизи хъарбаали сен дехлибала хедирусири или, илини жаваб лугули сай нуникулун адамлис итира вайси бирули ахленра, я уркилаб вайси пикри бихули ахленра или. Сейкълуси илизи? Аллагъла ☞ лигъматуначивад ухъахъес хедирехлегу адам.

Сен илкъайда бетаруси? Сен бусурмантани чекабизурли дин бузахъес балхлебалути? Илис чумра сабаб лер. Цаибси, Совет Хукумат кабизахъурхели адамтала диннизивад къаббердни бетару. Лебри итхелпира дигъай хулиб булгути, амма къадагъабани чула хянчи бариб. Итхелла манзилличила хабурти дурухлели кахъейэс хейрар: дуббуцибти хебатес багъандан школализибти дурхъни гужли шинни балхутири, мижитунни къапдарибтири, зикру-мавлудуни къадагъадарибтири. Дурхънас суннат барахъесра балли балтути ахленри. Илкъайда комунистунала манзил ақубтани чула дурхънас динна баркъ бедес бирару чусра балуси хебиалли. Илгъуна бусурмантачи нушани гъайиб бирес дирехлев? Гъайгъай, хедирехле. Пачалихъла политика багъандан илгъунабтала динниччи херра балли барсбиуб. Нушаб кавлуси илдас чянкли Аллагъла ☞ гъахъдеш глебаахъес, илди бархъси гъунчибад башахъес дулгъницун саби. Лерилра нуша дархъдараба Аллагъли ☞ Амин.

Дурхъаси Мухъяммад Идбагличила

1 « Илала шайчи кабизурти бусурмантас гъелабадбикибтири, илди инжитбирутири. Идбаг дукелциличи вирхъутири. Илис се дигара журала вайти чеуми дирхъуртири. Иличи хъашни гъирбирутири, гъахъулизибад бухъунти хъунул адамти, илис къаркъубани иртутири. Аллагъла ☞ гъалабси чула чеблаличила балути Идбагла ☞ ва илала цашаликартани гъар секлал гъандурцутири – Аллагъла ☞ ва илала динна хурматбирули.

Дунъяличив ил идбагуначивад бегла гъергъи ақубси виалра, илала нур бегла гъалар ақубти сари. Аллагъли ☞ ил багъандан акахъубти сари дунъяра – Пярш-Курсра. Аллагъли ☞ илис Хиябиб ибси ура бихъиб, илала мягъна – беглар дигуси.

Гъачам Жабраил малаикли буриб: Аллагъли ☞ акахъубти гъар секлал чедидяхъира, чедаира мусни-зубри, Пярш-Курс, Алжан-Жагъаннаб. Амма наб къаршихебикиб чилра ва селра Мухъяммад Идбагван ☞ Аллагълис ☞ дигахъуси. Илис саби Аллагъли ☞ гехлепра Алжанализибад беглар дурхъаси «Фирдас агъла» алжан декларбарибси. Ил ақубси сай Рабиғул-аввал базла 12-13 дуги херилизив.

Ил ақубси базра дурхъабарили, мавлидунала баз саблин машгъурси саби. Ил багъандан сари адмтани Рабиғул-аввал базлизир ил гъаниркахъули, илис дезни дирули, илала гъамруличила имцали балахъули мавлидуни дирути, садакъа буртлуси, яшавлизиб нукъсантас, бухънабас кумек бируси, илала раз-

идеш сархес хйаракатлизи ихъути.

Къиямала Бархли ил бегла гъалав алзан хйаблизивад ва лебилра идбагунира малайкунира чус кумекбарахъес ибси тиладилличи Аллагълизи ☞ дугъабизес урухкълхелли ил Аллагъличи ☞ дугъаилзан ва илини илала тилади къабулбиру (бусурман динна агъулис сай шафагъат виахъес).

Ил арагълеб инсаниятла пачахли сайлин, Къиямала бархли лебилра идбагуни «Ливахъиль-хъамд» бикълуси илала байрахъла уди цалабиркур. Ил алжанализира бегла гъалав айцлу. Чевяхъси Къудратла веҗли ил, сунес адамтира, жиндрира ва малайкунира икрамбикълуси ил гавирути беглар ахъти хаста «Василат» ва «Макъамун Махъмуд» даражаличил шабагъатлавиру.

Къуръаннизил Аллагъли ☞ къадагъабирули сай ил левси мерличиб тлама ахъбихахъес. Идбаглис ☞ мукълурси Аллагълисира ☞ мукълурси сай, хейгиварибси – Аллагъ ☞ хейгиварибси сай.

Аллагъли ☞ сай мархлерибтачи балагъ бархыбси ахлен илдала ургав Мухъяммад Идбаг ☞ левни багъандан. Аллагъли ☞ илала гъамруличил ва ил левси шагъарличил хъа барибси сай.

Ахлerti динна узби ва рузби! Иш дурхъаси базлизир Аллагъла ☞ Илала Идбагра ☞ разибисли хердиирая – мавлидуни-зикруми, садакъаби, ахъри агартас кумек бирули узи-уршиличил гъардикъл-ули. Аллагъли ☞ къабулдараб хушала лерилра гъахъти баркълудуми. Амин!

Идбагла ﷺ баракатла хъунри

Идбагла ﷺ лебилра хъунри бусурмантала нешанази халбирути саби – иличила бурили саби Дурхъаси Къуръаннизиб ва ил багъандан нушабра илди бигахъес гягнитти саби. «Бирхутачи Идбаг ﷺ чучи сабиван ахли гъамси сай, илала хъунри биалли илдала нешаназиб гъамти саби» (Муэрти,6).

Сунела хъунразивад цаличилра Идбаг ﷺ Аллагъли ﷻ хъарбарни хъясибли ахли хъаллавиубси ахленри.

Бегі гъалав Мухаммад Идбаг ﷺ 25 дусла гъамруличив Хувайлидла рурси Хадиджачи хъайчикайибсири. 50 дус виайчи, Хадиджа ребкайчи илини цархил хъунул кариибси ахленри. Хадиджас гъерги илини 12 хъунул кабиб. Ислам гинтгбиахъес лерти лерилра имканти пайдаладирули, 50 дус виубли гъерги, Къудратла Бегі Аллагъли ﷻ хъарбаркъуначи лехлихъули, кабибтири лебилра гъергити хъунри. Илдала хъаллавиубли, Идбагли ﷺ дахъал халати къамани Ислам алав цадилахъуб. Идбагличил ﷺ барх хербирули, илдала хъунрани ва цакъамланта ни ил ункъли вагъур, илала гъай сунени гинтгбириси гилмулизирад деклархедиркули биъни чебаиб ва иличила адамтази буриб.

Хадиджа – Расуллагъла хъунразирад бегілар гягити

Идбагла ﷺ хъядисуназибад цализиб бурили саби: «Хъал-гъаймазиб бегілар гягити Гимранна рурси Марьям ва Хувайлидла рурси Хадиджа сабри».

Къудратла Бегі Аллагъли ﷻ сунес дигахъуси Идбагцун ﷺ ахленну, илала умматра, кумекчибира чебяхъариб. Илкъяйдали лебилра хъунул адамтачир черяхъариб Мухаммад Идбагла ﷺ цаибил хъунул Хадиджара.

Хадиджа черрикни лерилра наслубала хъунул адамтас гибратли бетаэс гягитиси саби. Ил шери рякъунхели, Мухаммад ﷺ Идбаг ветаурли ахленри. Ил Мухаммадлизир ﷺ давла баргес умцүли ахленри, ахъси даража сархес къаслизир ахленри, я дунъялизиб талихл сархес хъулрикули ахленри – илкун мискин цуръа дурхля сайри. Хадиджа биалли къурейшитунала къамлизибадти хъунул адамтала ургар бегілар машгъурси ва даражала регі сарри. Чумилра машгурти мурул адам иличи сукни бякъунтири. Амма илини Мухаммад ﷺ чеввикибсири. Хадиджани селичибалра ахъли къиматла бирусире илала рухля дунъя, илизирти адамдеш ва Къудратла Бегіличира ﷺ динничира илизирти диги. Сай Мухаммадлизир ﷺ бахъал хъунул адамтала ургарад адамти сунечи «умуси» или дугъабилзуси черрикниб – гъарра шайчирад кабизалачерси хъунул адам сарри ил. Мухаммадра ﷺ Хадиджара хъаллавиубхели сай 25 дус виублири, Хадиджа-40. Амма илдала дусмала ургабси деклардеш илди 25 дус талихъебле барх хербирахъес диргалахъебхъун. Илди дусмазибад 15 Мухаммад ﷺ Идбаг ахленри. Гягити хъал-гъабигитла регі риъни багъандан ва илис гягитизес дигули риъни багъандан сарри ил Къудратла Бегіли ﷺ Идбагличил ﷺ рархряхъибси. Илинира ца Аллагълисцун суждабируси бархъси дин чеббикибсири. Ил багъанданра иличи лебил «умуси» или

дугъабилзусири. Хадиджас «умуси» биклусири илала баркъ-бац цархилти хъунул адамтас гибратли диъни багъанданра. Илини гъарли-марси бусурман хъунул адам риъни мисал чебихъусири.

Хадиджа Аллагъли Расулла ﷺ цаибил хъунул сарри. Илдала ургар Аллагълизибад ﷺ урухъикниличир делшунти дигира лертири. Барх хербирули деркити дусмазиб Жадиджани Мухаммадла ﷺ хурмат хебарибси яра илис къабулхебикибси барибси анцбукъ биубси ахленри. Хадиджа – хъунул адамтазираб бегілар гягитисунна сарри. Ибн Гягитмадди балахъули сай Идбагли ﷺ Къудратла Бегіла ﷺ уличи хъябариб Аллагъли ﷺ сунес Хадиджачир гягити хъунул хегиб или. Адамти къаршили дурабулхъулелира ил сунела муруйчи рирхусири, илини муруйс сунела лебилра лебдеш бедиб, адамтани ил лебсигунализивад махрумварибхелира, илхели илала дурхлира лебри, цархилтазибад агархели. Цархил хъядис лизиб бурули саби: Жабрагил малаикли иб: «Ва Мухаммад ﷺ, хурегуна ва держеста дицибти шунграчил хлечи Хадиджа



ракили сари, дила ва Къудратла Бегіла ﷺ шайзибад илис салам беда ва ил Алжайзисби юртиличил разирара, ил юртилизир биалли я гъама-гъама, я къияндешуни хедирар».

Идбаг ﷺ Хадиджачи хъайчикайибхели, адамти чеббугъес бехлихъибтири, Мухаммад ﷺ бегілар мискин сайкъира бегілар давлачерличи хъайчикайили сай или. Секъяйдали къабулрикибара Хадиджа илис рукъес? Илдигъунти хабурти аргъибхели, Хадиджа Мухаммадлизир ﷺ илкъяйда гъайбиклес урклили къабулбарибтачи гъимрукиссири. Илини къамлизибад халатигъунти бучи ва илдази буриб: «Хуша бикърумилли дилахъули, нуни лебилра дила лебдешла вегібекі вирулра Мухаммад ﷺ ва ил дила мискиндешличи къабуликалли, илала кабизалачебдешла лишанни бирар.» Хадиджани илдигъунти дугъби дирибхели лебилра тамашабуб ва Мухаммад маккалантазибад бегілар давлачевси виъниличил муклурбаклиб. Хадиджа биалли бегілар мискинси ретаур. Мухаммад ﷺ Хадиджани барибсиличил тамашавиубсири ва се бирусил балули ахленри. Илхели Жабрагил малаикли Аллагъличирад

ﷺ саламти хиб ва Мухаммадлизир ﷺ буриб Хадиджас баркалла багъахъес, сай Мухаммадди ﷺ биалли иличила къанниван бала.

Гягитличи чевяхъунси дуги Идбагли ﷺ илаб сунени илис гъалар чучила аргъалра хергъибти ва чехледаибти секлал дучибси къялгя чебаиб. Мухаммадди ﷺ хъарабаиб: «Чис барибси иш, Жабраил?» – «Хадиджас, – виклар малаик, – Къудратла Бегіли ﷺ илис виубцад къулайси бариб сари гягити риъни багъандан».

Хадиджа хижра сабаэс хъабал дус лералли Маккализир ребкитиб. Илхели ил 65 дус риублири. Хадиджа ребкитили Мухаммад ﷺ чебаили хумариахъуб. Илра Абу-Талибра ца дуслизиб бекитири, ва ил дус дараданала дус саблин багъахъурсири. Хадиджа ребкитибхели, Фатима дудешличи ишкъяйда дугъаризурсири: «Ва Аллагъли Расул, нуни я къацл хебукас я шин хедужис хъунуни Жабрагил малаиклизи дила неш чинарал хъарбаайчи». Илхели Идбагли ﷺ хъарбаиб ва Жабрагилли жаваб бедиб Хадиджа Алжанализир Ибрагим идбагла хъунул Сарачил ва Писа идбагла (Аллагъли

ни.

Ил чебаили мурхъги багъуддумачил декларрулхъуси хъунул адам сарри, бугаси гякъулиличил декларрулхъусири, дахъал делчунси сарри, малхъамси сарри, кабизалачерси сарри, секлал хъумуртуси ахленри. Асхъабтазибад имцлатигъунти илизибад багъуддумачи бегібиритири. Ил бегілар ункъли хъядисуни далан сарлинра машгъуриубсири. Къуръанра илини халати устадашличил баянбирусири, бусурмантала ихтиюртира чеблумира илини ункъли далусири, ил сарри Идбаглизирти ﷺ дакүти ва дигъанти гъамагунти чиничиралра ункъли далусира. Ил багъандан сабри нушала Идбагли ﷺ муэрлизиб иличи сай хъайчикайриличила багъусрси. Цархил муэр чебаибхейс ил Идбагла ﷺ хъули арацибсири. Гяйша Абу-Бакарла пахрули ретаурсири. Гяйша Идбаглизирад ﷺ дахъал секлаичи бирсириубсири. Ил сарри илала гилму гинтгбиранра. Ил Идбагла хъунулра сарри илала насихъатуначи лехлихъанра.

Умму Салима

Ил Идбагла ﷺ хъябибил хъунул сарри. Илхелира гъаб-гъергидеш хъясибли ахленри хъябибил. Ил махзум биклуси къамлизирадси сарри. Ил цаибти бусурмантазирад сарри ва Маккализир илисра гъалабадкбиркули калунтири. Ил багъандан гъала-гъала ил Эфиопиялизи гечриубсири, гур Мадиализи. Ил бегі гъалаб бусурманвиубтазирад ца сарри.

Илчил варх лерилра иличи дякъунти къиян-жапализи викибсири илала цаибил мурулра. Сари Умму Салимани бурни хъясибли, ил гъадатла ахленси адам сайри. Дахъал думси сунечил дарх деркитибси Абу-Салам Макализир таманкайибхели, Умму Салима накъбаиб дурхлира сарира сарицун калунсири. Сунела ватлаизирад гъарахъли къарширикибси бахъал дурхнала неш, декити гъамрула гъажлиурси адамлис кумекла някъ гъабатурсири Абу-Бакарли ва Пямарли, амма ил сунес кумек барахъес къабулрикибси ахленри. Сенкун илини сунела мурулла мер буцеси адам чеибси ахленри. Ахирра иличи хъайчикайис дигула или Идбаг ﷺ дугъайзур. Ил халати кабизалачердешла регі хъунул адамли Ислам багъандан лерил секлаизирад махрумриубси ил гъарабунала бегілар давлачевси къамлизир дахъал думси деркитили гъерги, къарциндешлизир херриэс къабулрикек херире. Илис кумекбарес чебсири, илизирти халати адамдешлар къиматла дарили, илини сунени дакүдарибти къяйгити чедали. Идбагли ﷺ иличи хъайчикайили, гамъас илгъуна кумек гъеббаахъиб. Вишгъахъейчивад пакъирти гъебурцули, цуръабас кумекбирули калунси илини сунечи хъарбикибси чебла таманбариб.

Умму Салимара, Гяйша къяйдали, духусира сарри, пагъмуртачил декларрулхъусири. Ил насихъатчи сарри, дин гинтгбиресра илизир халати усташ лерри. Ил Идбагличирра ﷺ дахъал секлаичи регіриуб ва лебилра хъунул адамтас дахъал гягитешуни дарес бажардирикиб, чеббикибси гъунчир дахъал сархидешуни дилахъуб. Урегцали дусла гъамрула адам, илхелира сунелара дурхли лебси, бахъал дурхли лебси гамъа хъунуйчи хъайчикайни цархил таяхъли баянбарес хейрар, ил къайгъили алавуцниван ахли.

(хъарахъуд бирар)

Алхунти журналистунни гъанбиркахъули

Чула санигъатлашалси чебла ихъухъели алхунти журналистунна Бархли Россияла журналистунна Союзли 1991 ибил дусличибад бехъибхили декабрьла 15-личиб дурабуркунси саби. Дагъистайзибра ил Бархли алхунти журналистунни гъанбиркахъули далдуцунни дурадуркунли дирар. Ишди бурхназибра, Мяхъичкъалализиб, илди асилти уршби гъанбиркахъули вечер дурабуркунлиб.

Нусала республикала гъалцад машгурти журналистунна вайнукъабани чябхъинти дарибтири. Имцалтигъунти арагъебли нусала улкализибра машгуртири. Илдала ургаб лебри политикала машгурти хъиракатчиби, гилмуртала докторти, халати организациябала руководителти ва деклар-декларти СМИ-ла журналистунни.

Балбуцличи баклиб алхунтала юлдашунни, гъамти-тумти, газетабала бек редакторти ва журналистунни.

Илав гъайхъунси Дагъи-

ста журналистунна Союзла председател Пяли Камаловли буриб: «Журналист кавшнни – лебил жамигъатлис къайкъибкигъуна саби. Имцалти такъсиртала документунни ва делоби Госдумали сунела херудилиур ахтарди дурабуркунсес чесибири. Амма ахирличиб цацун такъсир саби гъаргбарисси. Иличибра ургъебли, следовательтани хъанчи дурадуркунли дургилли кадзахъурти бикъридешла баянтира далилтира дали деткахъибтири. Ил багъанданра нуша цадиес гъагънибиркур. Гъанна бикай-

чи 19 кабушибти журналистунназибад ца такъсир саби гъаргбарисси. Г.П.Имедилов кавшибтас 10 ва 8 дус дедилли туснакъбарилли саби. Калунти вайнукъабара баргилли танбихлабирниличичи нуша дирхулра. Пергъити хъабал дус илгъуна такъсирти хъедиуб. Илкъайда мурталра бирниличира дирхехле».

Илкъайдали илаб гъайбухъун «Россияла халкъанала Ассамблея» Дагъиста регионна отделениела председател Зикрулла Ильясов, республикала газетабала бек редакторти ва цархилти гъахли.

Цалабикибти къабулбикиб санигъат багъандан жан къурбандарибти журналистуннас хасбарисси памятник тлашбатес гъагъниличичи. Илала хъекълизиб Правительстволис гъаладихъили сари документунни, ил белшес мерра декларбарилли саби. Республика Беклира кумекбарес чесиб.

Журналистала хъанчи, гъайгъай, гъамадси хъебиалра даршудеш ва гъагъдеш гъинтибирниличичи санигъатлизи халбируси саби. Амма вайнукъабала хъахъули ишдасра чегиб...



Мяхъаммад-Салих Гусаев (27 август 2003 д.) – Дагъиста Республикала миллатла политикала ва ургарти бархбасунала министр.



Ильяс Шурпаев (20 март 2008 д.) – Северный Кавказла НТВ-ла корреспондент, гъергъисси дус Москвализив узусири.



Г. И. Абдулла Г. И. Шаев (3 сентябрь 2008 д.) – «Мир вашему дому» телепрограмма бузахъан, «Мяхъичкъала-ТВ» телекомпанияла бек редактор.



Шамил Галиев (5 май 2010 д.) – «Прибой», «Ватан» радиостанциябала руководител, «ТНТ-Мяхъичкъала» телеканалла директор.



Мяхъаммад-вакил Султан-мяхъаммадов (11 август 2010 д.) «Мяхъичкъала ТВ» каналла генеральный директор.



Ягъя Мяхъаммадов (8 май 2011 д.) – республикала кларакхан мезличил дурабуркунси «Ас-салам» газетала редактор.

САГАСИ ЖУЗЛИЗИБАД

Вебкили гъергъила гъамру

МУХЪАММАД ХУСАЙНИЮ

Гъалагъай

Сунела уркъециличил нуша Исламла хъекъдеш багъахъес имканси дагърилагъагъула дегъдарисси Аллагъа уличил. Ил багъандан даимти дезадиаб сунес, сунесцун далути ва сай разивизсад къадарлизир.

Саби бусурманти сарра биклутира бархли адаматани бунагъуни дирнилис беклибиубси сабаб нушани чебиулра – илди ахиратличи яра вебкили гъергъи беклидиубти гъамру дехдирхъниличичи таманни бирхарули хъебиънилизиб. Илдигъунти адамтас, камли биалра Ахиратличили багъахъес къасли, Мухъаммад Хусайниюла «Маватинуль инсан» (Адамла Ватанни) биклуси машгурси жузлизирад цацадехлти бутни газетализи кадирхъес дехдихъира. Ил жузличичи адамтала иштхъил илцадра халаси биъни хъисаблизичи касили, ва, илдала тилади хъисабли, жуз урус мезличичи шурбатурсири.

Адам вебкили гъергъи дехдирхъути даимти гъамруличичи буриси жуз биъни багъандан, жузлис «Вебкили гъергъила гъамру» ибси у бедира нушани.

Нуша дирхехле, иш жуз белчунтани нуша балгаллизир гъандиркахъниличичи.

Чевягъисси Къудратла Вегила дазу агарли халаси уркъециличичи, иличичи гъамтала шафагъатличира ва динна узбала балгначира хъуликъесцун калунси, Аллагъа бунагъкар лагъ,

«НУР-УЛ ИСЛАМ» ГАЗЕТАЛА БЕКИ РЕДАКТОР МУХЪАММАД ХУСАЙНИЮ

Бехъибхъуд

Аллагъис дезадиаб, сунес дигули ахъибти, гъагъудешла гъанкълизибад чебаргъахъили, мицирбирниличичи ва Къиямала бархлила урехиличили багъахънилис.

Ну илис дезавиклула, дунъялара дунъяла ахъентира гъарил секла пайда балули, гъагъам кайсунтала дезначил. Гъагъдешунни саламтира диаб Мухъаммадлис, илала хъалибаргилли ва кумекчибас.

Марлира, сай чъанкъли Чевягъисси Къудратла Вегилис гъагъат биррахъес аклахъубси виъниличичи хъебакъибси адам хъергар. Амма имцалтигъунтани Аллагъис гъагъат бирули саби Алжанала лигъамтуначичи ва Жагъаннабла гъазабтазибад берциличичи хъулбиклули. Илгъуна гъагъат Аллагъа гъалаб гъагъисси даражала саби, сенкун ил сунес пайдаличи ва сай гъазабтазибад верцес хъуликни саби. Хъергар адам, Алжанала нигъамтуначичи Жагъаннабла гъазабтазибад верцесра хъуликлули, ила ветаайчи, сунечи дахъал къияндешунни хъерли динъниличичи – вебкаличилира хъабла гъазабтачилара хъебалуси.

Амма асубирар суал акъес: «Секъайда багъес вирара вебкили гъергъи се бирарал?» Ил багъес имканси саби чъанкъли адамла гъагъулис. Алла-

гъу Тагъалани адамлис кел журала гъагъули гили сай: цаибил бирар бирхаруталара бирхъеруталара. Илала икъайчил адамли сунела лерилра дунъяла къуллукъуни ирзули сай. Къизил гъагъули Чевягъисси Къудратла Вегилис лугули Сай чъанкъли Аллагъа Цайли Цаси ва гъар секлайс ахърилла Вегили витни марбирутасцун. Илгъуна гъагъула вебгилли бала сунечи се хъерлил.

Къизил журала гъагъула вебгилли, ташмишдеш агарли, сай нешла канилав дакъуухъунхъейчивад, Алжанализи яра Жагъаннаблизичи ваайчи, гъар секла гъалахили белгидарибти динъниличичи бала. Ил заманала ухънав ил гъуйчив ветаруливан сай, илала даимласи мер биалли Ахират бетарули саби, дунъяла гъамру ахиратлизи гъунигъунти детарули сари. Ахиратлизи ваайчи ил верхел мерличичи виули сай. Чевягъисси Къудратла Вегилис адам чузив вирути меранира заманара белгидарилли сай:

1. Чевягъисси Аллагъа гъалахили лебилра адамтала зарра (зародыш) – гъе аклахъубли цаладихъили, суалбарисси Сай: «Ну ахъенрав хъушала паччхъа?» Лебтанилра жаваб гилсири: «Сайри» или.

2. Вегила къагъала чъалализи гечвиубхъели.

3. Нешла канилизичи мерлавиубхъели.

4. Акълубли гъергъи дунъяла гъамру.

5. Вебкили хъели-хъаблизичи.

6. Вебкили мицирварилли Къиямала бархли, арагъеб адамти Гъарасайличи тлашси бархли (Чевягъисси Къудратла Вегилис суд бируси мер).

7. Суд барилли гъергъи адамти даимлис мерлабиру – Алжайзи яра Жагъаннаблизичи.

Адамла дунъяла гъамрула гъуни, яшав барес багъандан гъазализичи ахъили, къиянни бирар.

Гъункъяни дунъяла нигъамтуни имцадарес, давла бучес хъиракат хъебарни гъагъисси саби. Лебдеш гъарлимарси биес бирар, эгер ил лебниличичи пашманхъейрусичи ва тамбихъ агарси биалли. Илдигъунти нигъамтуни биалли Чевягъисси Аллагъа Алжайзирцун сари аклахъубти. Хъебиалли, сай гъурпашманвиесиватанбихълавареси лебдеш бучес къайгъилизичи ахъибси адам духуси ахъен. Алжанала ахъенти цархил журала нигъамтуни дучес къайгънази ахъибси адам Алжанала нигъамтуназибад мяхърумвиру. Ца муридди сунела шейхлизичи суалбарилли сай: «Я, дила шейх, ишди адамти иш дунъялизичи се барес умцунти?» Шейхла жаваб: «Илди иш дунъяличичи агарси паргъатдеш баргес умцунти саби».

(хъарахъуд бирар)

Бархъси динничи гъуни

1 « Илала чебкандуни ихтилат-барира ДР-ла муфтиятла просвещениела отделла хянчизартачил ва чула пикруми дурахъес тиладибарира.

Сегъуна хянчи дурабуркълура хлушани терроризмаличи ва экстремизмаличи къаршили?

Гисаев Рамазан-хіяжи
Гябдулкъагырович:

— Нушани конференцияби ва гъунибаъниби дурадуркълура гъарчинаралра, имцаливан урехи алкъахъули саби спортзалтазиб. Бара гъалабван халкъани-ургабси диннашалси мажлислизир буткъандеш



дарира. Ганна Мяхіячкъалализиб ва республикала районтазиб адаб-хіялашалси конкурс дурабуркълули саби, сабира «Бархъси гъунчибад башутала адабдеш» бикълуси Дагъиста Муфтий Шейх Гяхімад-Хіяжи Гябдуллаевла жуз хіясибли. Конкурслизиб чедибикитас жура-журала шабагъатунира кадизахъурли лер, беглара халати савгъатуни сари — машинаби. Дебали дигеси анцбукъ саби илаб рурсбанира жигарла буткъандеш дирни.

Илкъяйдали муфтиятла гъар базла проект хіясибли дурайулра буклетуни, брошюраби, Югла федеральный округлизи архіяби дурадуркълура. Нушала отделла хянчи ташбатурси саби адаб-хіяла къиликъуни адикъес ибси беклибиубси мурадличил. Дурхъаси Хіядис лебси саби: «**Берцуди га Аллагъ мутлиги пайда хелугути багъуддумазирад**». Дурхъани радикальный исламлизис арбашнилизиб беглалара халаси хатла леб. Сен? Сенахенну, чули дурхънас диннашал хълчи кабирхъули ахен, дурхънани биалли, чули сабил себиалра багъес къайгъибаралли, мисаллис, дехлибала дарес бурсибирули яра мижитлизи башули чебаалли, беглани илдас къадагъабирули саби. Ил бархъсив, гъатли? Багъуди касес дигути дурхъни биалли Интернетлизиб чус гягъниси жаваб баргес къайцбукълули саби ва бархъсил ахенал балхлебалули жавабти кайсули сари, илди гядатли ахенси исламла гъуникад арбашули саби. Мадрасализиб яра мижитлаб багъуди кайсахъес цацабехлти беглани балтули ахен.

Гядатли ахенси исламла гъунчибад башути се журала адамти саби? Се багъана лебли арбашули ИГИЛ-лизи?

Имцаливан, динна багъудлуми агарти, ислам се сабил

иргъхлергъути, илала хълчи агарти адамти. Бикълуливан, жагъси галгала къяли чина ласбаралра ила булклан. Тяп илкъяйда жагъил адамра.

Кинайс, чус чили-биалра децлагахъибти, мучлаагарбарити, яра вегли вегл гяйибкарлизи халбирути адамти. Дин хълчилибуцили вагъабионтани жагъилти чеббулкълухъути ва дурала улкнази арбашутачила мисалти дахъл дурес вирар, ца илгъуна – Цумадала районнизирад, сунелара мурулра хъалибаргра лебси хъунул адам, ила аррякъун цархиллис шери рукъес или. Илдигъунти адамтачи асарбирути Интернетла дахъл сетани лер, чузибра халаси агитация дурабуркълуси. Нушала ихтиюрти далтахъути органти илди сетани къяпдирес балкъарули ахен, илцадра къалабали цархилти алкъахъули сари. Ита арбукъес къасбаритгала ахир сегъуна бирарал аргъахъес къиянни саби. Илдала вегла Ватлайчи, хлукуматличи гъимидулхъули, чула гямру гъархедизнилизиб илди гяйиблабирули саби ва «шаласи динна пачалихълизи» (РФ-лизиб къадагъабаритси) гъуни бурцули саби. Итар дьвти терли дьъни хисаблизис кайсули ахен. Ганнала заманала дурхънани «дургъби» ибси гъайла мягъна иргъули ахен.

Дургъби – гаши, биса, мискиндеш, дьхъурби, чулахъдеш, бекла дьъни школабазиб лебалли мурхъли иргъахъес гягънибиркур.

Жагъилтачи дугъаизурли се бурида?

— Дурхъаси Хіядис лебси саби: «**Аллагъли мутлиги чис-биалра гягъидеш булгъхъели, илизи дин бархъли иргъахъули сай**». Нуни бурес дигуси диннизи бархъси гъунчила саби, илди сари авалра мазгъаб, сарира лебилра бусурманти-гялимтани мардаритби: имам Абу-Ханифала, имам Маликла, имам Шафигла ва имам Гяхімадла. Нушала дурхъаси идбаг Мяхіямаддичирад къягъхедердигли нушачи даклибти багъуддуми шала къяйда нушаб гъуни шалабирули кавлан. Илди мазгъабначибад чебхлебухъи башес гягъниси саби адамтас.

Гъазалиев Мяхіямад Шейх-Гяхімадович:

— Чедибси суайс жаваб лугули бурес дигулра, цацадехл школабазис даклибхъели, разиагардеш балахъули бирар: «Нушала дурхънас динничила багъуддуми гягънили ахен бикълули». Нуни ил хатлализис халбирулра, сенахенну бархъси динничила багъудлизибад зарал хлебирар. Беглтас багъес чебиркур дагъриласал дебахлебиубти дурхънас кумекбарес гягънили биъниличила. Илдalara халаси урехи леб чула дурхъни диннизи мурхъли атли «фанатикуни» бетарар или. Ил вайсив, гъатли? Чянкли бархъси дин бузахъули, умуси исламлизиб биахъес кумекбарес беглани гягъниси саби. Нушalara ил сабгу беклибиубси мурад. Бархъси ислам багъес дигусилис Жумягъла мижитлизир лерил шуртгъри аклахъубли сари.

Динничила багъуддуми агарти яра ил дигхлейгути цацабехлти учительтани дурхънала динничис гъими-



къяс алкъахъули, вайси асар бирули саби. Халатала хатлаби багъандан, дурхънас челябкъализир къияндешунис алкъули сари.

Нушала хянчи хълчилизибадал терроризмаличи къаршили, наркотикунис, папрус бужни ва цархилти адамла къаркъайс заралбирути ва вайти хасиятунис далтнеличи бяхлчианбис саби. Адаб-хіяла къиликъуни, иман, ислам, гягъидеш, даршудеш ва цархилти мягъничерти лекцияби дучлули гъаман школабазира дашехле. Базли 400-500-личир имцали лекцияби дурадуркълу хянчизартани.

Вагъабионтала агитатортани биргябиргити жагъилти чарбухъунти анцбукъуни диубу?

Чула хатла багъурли пашманбиубтира бирар, амма мурхъли ила атлунти чархлебулхъан. Мяхіямад идбагли ибсири илгъуна адам батаибси ургигъуна сай. Урги чарбиаллира ил чархлейрар, илцадра ил дебали виржарахъули сай. Дагъриласал гягъил хлядурбиубти экстремистунани иргъахънила хянчи дураберкълли, нейролингвистикала (НЛП) программирование пайдалабарили, чус мутлигибирули саби. Беглти яра учительти хлурмат-къимат агарли кавлули саби, бикълуливан «авторитетунис» цархилти бетарули.

Бархъси динна гъунчибти 60-цад гялим кабушиб. Амма илдала гъуни глебурцутира лебти саби. Ил багъандан дирхулра жагъилти бархъси гъунчибад чебхлебулкъниличис.

Бусурмантала багъуди ахъбуцес се барес гягънили?

Майранов Мухіаммад Апанниевич:



— Гъайгъай, биштлатас беглани хълчи кабихъес хляжатси саби. Исламличис гъуни чебиахъути беглани

яра хала беглани илдази иргъахъу Аллагъ мутлиги цайли цаси виъничила, илини дунъя аклахъниличила. Вирхаруси адам Аллагълис мутлиги вирар. Динничила бурули биштлатазис аргъахъес вирар гягъисира вайсира. Дурхъла халавиуцад багъудлумира мурхъдиклахъес вирар. Амма, гъарилра хъалибарглизиб илгъуна бяркъ хелуга, ил багъандан, дила пкрили, хлукуматли ва жамигъятли кумекбарес чебси саби.

Имцаливан бархъси динничибад чеббулкълути ишбархли жагъилти саби. Илдас сегъуна насихлят бурида?

Гялиев Гяли Халилович:

Дурхъаси Къуръа аятуни лерти сари: «**Бархъси дин – ислам саби**» (а.85), «**Аллагъли мутлиги Мяхіямад идбаг вархъибси сай бархъси дин кабизахъес**» (Къ.39/9) ибти ва цархилти. Илдазивад къябхлердигли, бархъси бархъли чебиули, балкъис балкъли чебаахъес маслигъятбирулрануни ишбархлила жагъилтас.



Беглара дурхъати адамти гямурузиб — беглти саби. Илдани бедибси бяркъ хъумхлертурли, илдала хлурматбирес чебиркур. Ца мисал ганбуршис Хасавюртлизиб бетаурси: «Беглтала ца жагъил дурхъла цазамана веткахъили, иличила балуси чилра аги. Гур даклугъхъи сай берхъибси муцлурра сайра. Беглани хъархъардаили хъалли, селра бурили ахен. Савли, усуси уршила дудешли муцлур къицбарили, хянчиличи арякъи сай. Чеваргъибси уршили сунела муцлур илкъяйда чебаили, гясивиубли сай. Ил паргъатвиахъес нешли бурили сари сунени саби къицбарибси или. Дурхъла дуравхъи сай, камси заманала ухнаб сунела юлдашуначил варх чарухъи сай. Илдани нешличи руржути шин чертгилли саби.

Хлера, илцадра вегла неш хъумартурли, жаниваргачи шурбухъи, чис-биалра мутлиги биес гягънитив? Бусурмантив илди? Се дин саби ил?

Беглара халаси хлурматбирес чебти адамтазираджун хляйналра чераахъибси неш сари, авнайс биалли – дудеш. Ахирличибрануни бурес дигулра, бусурмантала дин гягъидешла, даршудешла, ряхлмула дин саби, иличи урглеви вяхикълуси адам вайнукъа сай.

Бархъси дин бузахъес, дехлибала дирахъес, мижитла башахъес чисалра къадагъабируси агара.

– Асубирусив Куръан яра динна цархилти жузи духнар лерси телефон хияжатханализи барх бихес?

– Лебтанира балули кяйда, хияжатханализи яра цархил журала нядешуни, нажасуни лерси мерла Куръан бихес кьадагъа бируси саби. Телефонна абалкунси экранничир аятунира цархил дурхъати белканира гьаргли хедиалли селра хебирар. Амма зянкьла мерла телефонничичи азан, зикру делки диалли ил бишахъес яра дураб батес гягнбиркур.

– Чиди мижит саби Ислам-лизиб цаибси?

– Цаибил мижит Мухаммад Идбагли ﷺ гашбагурсири Мадинализи гечвирухелели, Кубаъ биклуси мерлаб. Илар Идбагли ﷺ авал бархи гибадатлизир деркиб.

– Адамлис бедлугуси у гярабтала биэс гягнисив, яра илала гяхиси ва жагаси мягна биалли баибсив?

– Гяйгай, адамла у жагаси биэс гягнисив саби. Диннизир дурхъагази халдирути уми дедлугалли аклубги биштатас иш дуньяла баракатра итил дуньяла шафагятра сархес пикриличил, ил гяхиси баркуди саби. Шаригятлизиб чебаахъили ахен у гярабтала биэс гягнисив биъни, сенкун имцалти нушани гярабтала умази халдирулихъалли илкяйдали дирули ахен. Исламла кьанунтачи балбикибси мягнала бегл у бедлугалли ил бархъли лукесра гягнисив саби. Цацадехити уми лерти сари кьадагъадарибти: Шахиншах (пачял, бекл хияким), илгъуна мягнала бегл саби Маликульмулук, сенахенну ил Аллагъла ﷻ у саби. Илгъуна цархилтира лер, илди уми биалли дедес асубирахъули ахен. Хиядслизиб белки саби: «Къиямала бархи хушала уми хиясибли жидирутира, ил багъандан гяхити ва жагати уми чердиркеная».

Мисаллис уршбас далдикести сари Пябдуллагъ, Пябдуряхман, Мухаммад, ва дурхъати идбагунала уми. Рурсбас биалли, идбагунала хунрала ва рурсбала уми. Илгъунтазиб баракатра имцали бирар.

– Муруйзирадекларрикибси хьунул адамлис ва шерил херякунси рурсилис цаибил яргалис хияжли букъес асубирару?

– Хьунул адамлис шерил сарил яра декларрикибси сарил херхеили, хияж барес асубируси саби, чянкли варх мяхрам (гъамси тухум, сунесра шаригят хиясибли шерил рукъес асухебируси) левлицун. Илгъуна мяхрам агарли виалли, илгъуна хьунул адамлис цаибил хияж дураберкес асубируси саби хьунул адамтала кьукъяличил бархцун. Суненицун яра цархилти мурул адамтачил илис хияж барес асубируси ахен. Хиятта ил цаибил хияж биалра.

– Асубирусив се-биалра цайнахили ахли бутнадли арц бедили асес (рассрочка)?

– Бутнадли арц бедлугули секлал исес Шаригятли асубирахъули саби. Илгъуна вягдала беглти бунагълизи биркули ахен. Амма риба, ва чеимцла арц сайсни кьадагъаси саби. Вачар-чакарла вягда бирухелели, че-сисби таманхебарнилис чебирхъуси гякла леббалили илгъуна вягдара асубируси ахен.

– Шилизибси мижитла имам секьяйда узес гягнисив? Гьар бархи дирути шудехелра дехлибайс илини беклдеши дирес гягнисив?

– Шаригят хиясибли имамличи хьарти секлал дебали дахъал лерти сари. Амма гьар бархи дирути шудехелра дехлибайс гъуни чебиахъес иличи хьарсив ибси суайс таманси жаваб гес хейрар. Сенкун иман архяличи дуравхъи кьаршиикес виарар ва илхели илини дигулихъалли мижитлизир жамигятли дирути дехлибайс беклдеши дирес хейрар. Амма илини сунела кьулукъуни дузахъес цархилличи хьарбарес виарар сай архяличивад чарухъайчи. Ил вахъли шилизив хейрниличила балули виалли, ил барес имамличи хьарсира балли саби.

– Гьез цудара рангли рурхъес асубирусив?

– Гьез цудара рангли рурхъахъес кьадагъабарибси саби. Абу Давудли ва Нисаини баахъибси хиядслизиб бурили саби: «Халкъли гьез цудара рангли рурхъу Ахират гъамбиклухелели ва илдани Алжанала темалра хергъу».

Муруй пурбанбирули виалли, ва ил бируси ил багъандан биалли, гьез дерхъес асубирар.

«Хазрамия»



– Рахли виштласи алгъайчи виалли ил балуй някълечил бурсиварес гягнидеш лебу?

– Балуй някълечил гьар-селра дирес ва вехирхъес нушала Идбагла ﷺ сунна саби. Амма аклубхейчивад виштласи алгъайчи виалли, таманни балуйчи варес кьиянбулхъан. Гялимтани кабизахъурли саби илгъуна биштлатала халаси пагъму лебли биъни. Балуй някълечил лукули виалра илис алгъайра кумекбиклули бирар. Гужли итил някълечил бурсиваралли, илала арадешличи вайшал асар барес бирар, сенкун бекла мехела алгъай шайчибси полушариеличи имцьякъ гужбирули саби. Илала баркудира багълабиэс, бекл изес биэс, гъанкл бемцлес асубирар. Ислам диннизив биалли арадешлис нуксандеш алкъахъуси секлал кьадагъаси саби. Амма бурес гягнбиркур, балуй някълечил букуси беркала баракатласи саби.

Ил секлапра аргъахъили, багъла-багълалли дурхъа халавиклуцад балуй някълечил бурсивахъес маслигят барес виарар.

– Магъар дирхъухелели мурул адамтицун сабив цалабиркути? Хьунул адамти бикърумили биэс хебирутив магъар дирхъухелели?

– Никахла шуртлри хиясибли жияжатбиркути бикъруми клел мурул адам саби. Шаригят хиясибли магъар дирхъухелели хьунул адамти бикърумили биэс бирути ахен.

– Дазала дируси адамлизис салам бедлугес асубирусив?

– Салам бедлугахъес маслигят хебирути меранира лерти сари, илдази ухнаулхъухелели. Амма дазала дируси адамлизис салам бедес асубируси саби. Исламла чевяхъиси гялим Закария Ансарили (Аллагъли урклеци бараб сунечи) ил суайс ишгъуна жаваб бедисире: «Дазала дируси адамлизис салам бедес асубирар ва иличиб чебси саби саламлис жаваб бедес».

Рузнама

Январь

Дни	Утренний Ас-Субхл	Восход солнца	Обеденный Аз-Зугър	Послеобеденный Аль-Гаср	Вечерний Аль-Магъриб	Ночной Аль-Гийшаъ
1	05:37	07:19	11:55	14:09	16:28	17:58
2	05:37	07:19	11:55	14:10	16:28	17:58
4	05:37	07:19	11:56	14:12	16:30	18:00
6	05:37	07:19	11:57	14:13	16:32	18:02
8	05:37	07:18	11:58	14:15	16:34	18:04
10	05:37	07:18	11:59	14:17	16:36	18:06
12	05:37	07:17	12:00	14:19	16:39	18:09
14	05:36	07:16	12:01	14:21	16:41	18:11
16	05:36	07:15	12:01	14:23	16:43	18:13
18	05:35	07:14	12:02	14:25	16:46	18:16
20	05:34	07:13	12:02	14:27	16:48	18:18
22	05:33	07:12	12:03	14:30	16:51	18:21
24	05:32	07:10	12:04	14:32	16:53	18:23
26	05:30	07:08	12:04	14:34	16:56	18:26
28	05:29	07:07	12:04	14:36	16:59	18:29
30	05:27	07:05	12:05	14:38	17:01	18:31

Рузнама Мяхиячкъалала шагъарлис саби

Рекомендовано каноническим отделом Муфтията РД для г. Махачкалы

Хурматла узби ва рузби!

2017 ибил дуслис «Ас-салам» газеталис кьулбасбирес даимбиубли саби. Газета кьулбасбарес виарар чиди-дигара почтала отделениелизиб. Илкяйдали Дагъиста лерилра районтазибти нушала хиянчизартачибад. «Ас-салам» газета кьулбасбирули, Дагъистайзиб Ислам тинтбирнилизис хушалара пай кабирхъулра... Кьудратла Вегл Аллагъли нушала урклбазиб иманра, Исламра, динничис дигира имцадараб. Дусла духнар дурадулхъути газетабала багъни бузри хиясибли дарсдиклар! Дирхулра, нушала бучланти газета агарли кахлевлан.

Хурматла узби ва рузби!

Динничил дархдасунти, «Ас-салам» редакциялизис яра даргала «Ас-салам» газетала редакторличи суалти лердиалли, хушани телефонна иш гергъисис номер хиясибли зянкъдяхъес дирудая: +7 (928) 512 55 35. Диубсигъуна кумек бирехеле, ин шаа Аллагъ!!!